


CORO DIVINO NINJO DI BRASIL



Na aña 1991 rev. Pader Thomas Robrigado, den felis memoria, a bin cu e idea pa cuminsa cu un grupo di mucha pa duna nan katisashi, hasi oracion, conta storia di bijbel, canta y otro actividadnan social.

Pader Tom a pidi sra. Myrna Kelly – Kock pa yude den esaki pa guia e muchanan. Despues sra Marina Haynes tambe a ofrece pa yuda lanta un koor. E edad di e muchanan tabata varia entre 5 pa 16 aña. A scohe e muchanan cu tabata desea di canta y asina a duna e grupo ey e nomber di Dibino Niño Hesus. Sra Bernadina Grovell, den felis memoria, a composita un cantica special dedica na Dibino

Niño Hesus cu tur aña, tabata canta durante e celebracion di Dibino Niño Hesus na luna di juli. Na aña 1993 e prome grupo a consagra na Dibino Niño Hesus durante un bunita celebracion di misa mainta. Y tur diadomingo mainta e muchanan tabata asisti na e misa di 9or. bisti den nan uniform. E muchahombernian tabata bisti camisa blanco cu dashi roos y e muchamuhernan tabata bisti sjimis blanco cu cinta roos na cintura. Esaki a sigui te ora e koor a haya su mes uniform. Na mei 1991 mas cu 60 mucha a duna nan prome presentacion durante un celebracion di Prome Santa Comunión. Sr. Donny Rasmijn tawata e prome tocado di orgel cu a compaña e koor. Sr. Rasmijn a compaña e koor pa algun luna. Despues sra Myrna Kelly – Kock a dicidi di bay tuma les di guitarra pa e tambe por compaña e muchanan. Ademas Aldrich Kelly, yiu homber di Myrna, y Joanne Kamperveen tambe tabata yuda cu cuarta. Despues Sr. Elgin Juddan a join e koor y tabata toca orgel te dia cu ela fayece na mei 2006. Harry Zimmerman tambe sa tei hopi biaha cu su wiri y maraca, pero actualmente pa motibo di salud e no a bin mas. Actualmente e grupo di koor ta consisti di 20 mucha, di cual algun di nan ta yiu di miembronan cu a cuminsa canta 21 aña pasa den koor. Marina Haynes ainda ta dirigi e muchanan y e tocadonan ta Myrna Kelly (kitara), Carol Anji (kitara), Benny Kelly (maraca), y e hobennan JeanPierre (Base), Jason (drumset), Etienne (yuda cu drumset) y Kleomar (bongo of conga).



UN CRISTIAN NO TIN CARA DI
SANTANA
(Papa Francisco)

UN CRISTIAN SIN SABOR, TA UN
CRISTIAN DI MOUSOLEUM
(Pastoor Jairo)